

МОЛЯРИ

О Животос, пантенгоро-келавно-бимарутно...
Кормчис, традиме космикане корабиескоро,
баши масалескоро бичингарало,
са ччивел о зарос агорутно.
Са ко ппикко леске кондинел чириккло-ярос
лейляне ппакенца, бидиккло, кярос!

О Животос - менялчис дневникеса пурано.
Ккамутно, драккиняри-моляри варулиенге малярне ...
Бучиме малярипе, якка - кристална тахтая
пуране, деравия таштинен, преттавден трушале...

Храпиери суненгоро хамали, хамелиони,
лусинел поличбес-ограмас... Местинел дуйнядес.
Дашно раздел наркотики мударутно, Асос баро.
Труш, бимерибе ан о венес дештинел, гилябел, ровел.
Делинес заложинел сулухи, дневникос, секундес, анчия,
кайли кяроске космикано, агорутно еккварипнастар.

Ах, ега те на изккелел о избес.
И пейня, е вененге о трушалипе анди мол ...

О Животос, комаржис ппуро, търъли.
Хамали. Моляри.
Дехен, манген лескоро череки о иле, манушикане!
Отденде, безехале тай бибезехале! Умрендинен!
Милинен!

Астарде ан лескоро ппаравдо шехи- котороло, церх ...
Трушалдинен бимерибе! Жадувинен! Дано!
Ега те дореселпес о жади манушикане ашал и мира!
Ан адалккесте иси гогяверипе баро, едикки локес!
О Животос те наккел бахтасар, сар моляно сомнал!
Телал и як-денедимнато е Девлеске!

